

書

九

文粹卷第二十三

贊上

摺六首

吳與姚



帝王

唐武宗皇帝真容贊

勳臣

凌煙閣二十二勳臣贊

三賢贊

自題寫真贊

張荊州畫贊

庶官

右丞徐公寫真贊

唐武宗皇帝真容贊

李德裕

仁聖文武至神大孝皇帝御極之五載氣應人和德感人心朝廷
 四方咸一於政風雨時若多蠲蠲歲息銷蓬孽為什氣驅戎狄為
 懷人北荒堅早重澤而至厥有憲代憑阻弄兵陸沒 顧既伐風
 沙自 武功既成休德昭明前古未聞百王莫致之事皆歲蕤於
 圖謀矣皇上以為大禹叙九疇敬五事豈不曰貌恭則莊視明則
 正予欲作續傳照審其儀形且夫聖人潛心於天以通神明先定
 其神而萬物理矣昔之訪具茨期姑射在此而已況乎廣成之戒
 抱一玄元之士多欲予所貴道良為是矣豈敢夫係風之言奇彼

渾冰之術從僊佐之所珍遺堯舜之令名哉於是圖經素寫良金
擬鑑形於止水若疑視於清鏡五彩既彰穆穆煌煌居列仙之館
近玄祖之光蓋以昭燕翼之謀顯丕承之德矣臣聞古之至聖必
有奇相是以黃熊之瑞應於龍躰赤精之符協於圖表頽然而長
文王也以至天下也鉢貌多奇漢高所以威海內也然則續事之
微極於推肖至於天光辟清日華明潤非可圖也庶髮髯正焉未
臣奉詔敢賜言曰

唐運中興天授大君軒耀其武堯渙其文北伐儉狃漠朔無氛西
伏野昆精首稱臣侵土盡闕盜起河汾沈機先物推斷解紛克定
群慝竟全大勳八表既寧萬機益勤爰命采績載模天與具崑闡
仙岑峻極秋旻蓬瀛白日照清晨涵育如天尊嚴若神輝赫網
緼為龍為雲聖作物觀禎祥以臻宣光乃孕虞熙載甄政建中和
金甌王後太階既平朝器乃陳化下以德持盈以仁回瀆宗海會
星拱辰億萬斯年藻明日新

凌煙閣勳臣扶負 二十一音并序

呂溫

我二后受成命撫輿運軋坤軸撼乾樞鼓元氣而雷域中騰百川
而雨天下雷收雨霽如再開闢蕩焉與太極同功貞觀十七年太
宗以功成治定秉為而不有之道讓德于祖考推勞于群臣念臣
濟於艱難感風雲於疇昔思所以摠之無窮乃詔有司擬其形容
圖畫於凌煙閣者二十有四人蓋象乎二十四氣之佐天昭勳德
也昔者舜以五臣致理周以十亂反正高祖以三傑作漢光武以
二八將中興若夫錯綜動賢宰龍今古雄四代而高視者其惟
聖唐乎至若唐莒公劉渝公之倫探元符建帝圖首戴神堯舉晉
陽而活天下此則大禹之拯溺也魏鄭公以致君為己任諫若不
及蹇言之左右秉心宣猷此則夔皋之賜言也虞永興亂合群儒
求百代明備王禮克詣帝樂使我大國煥乎其有文章此則夷齊
之制作也長孫趙公舉大義除二兇安宗廟定社稷以振我不赫
無疆之休此則周公之匡救也英衛受天勇智雄武佐聖鼓行海
內麾定四方此則太公之雁鳥揚也房杜玄機朗識並運帷幄神發
響效謨成天功此則蕭何之指蹤也子房之決勝也尉遲秦程剛

毅木訥氣鎮三軍力崩大敵匹馬孤劍為王前驅此則吳漢之樸
忠賈復之雄勇也其餘皆棟棟殊材黼黻異制儔諸古列罔有慙
德皇主之際於斯為盛其始也文為經武為緯智斯依忠斯述其
末也大不偏小不過退者全來者達控而縱之使自用之推而引
之使自盡之不設籠檻以觀遼廓之致不頓韁鎖以極權奇之變
執一德而衆力展懸大信而羣情竭高祖聚之以義太宗用之以
道高宗終之以仁傳聖萬代享其功利此非盛歟昔陸機表宏為
晉人而歌功於漢魏作者猶或稱之況乎遊聖代觀國光日睨凌
煙而頌聲不作其不揣賤劣有斐然之志輒盡所蓄各為頌頌一章
上以見王業之艱難中以明聖賢之相須次以明前哲之光韻末
以聳後人之誠節侯君集張亮負勳跋扈自陷大逆敢沒其名用
彰天刑使伐勞攘貳者懼春秋之義異姓為後故以河間元王為
贊首云

河間元王孝恭

大極構天本由一氣大人創業資我族類堂堂河間仁勇是經通

駿有聲為唐宗英具隋天亡羣盜猖狂我伐用張時維哲三武有
烈光為小翼肺腸經綸八方自南徂東晏海澄江平蕭鐵使父兄
帝天下化家為邦用竭爾力龍籙其極言不伐色不德以遜以默
柔嘉惟則佐高祖建大勳如周旦夔與太宗守大成如漢間平宜
君宜王盤石無疆

房梁公玄齡

梁公先覺龍卧待君長慧流光掃天布新義師雷與公躍其鱗杖
策千里來謁帝閣婉婉梁公實懿實聰實實光實融羽義翼忠忠若
鸞若鴻大風動地儒服從容靜運旬月中弛張折衝左右太宗夷屯
廓蒙定高祖功告武成開太平我雖忘勞時靡有爭網羅遺
賢推羣英玉不韜輝蘭無沈馨飛鴻出冥振鷺在庭濟濟多
太宗以寧公無事矣闕矣有補惟仲山甫經營四方方叔召虎夫
邦鈞軸至則委汝閑居台輔為默自處亦莫敢余侮高朗今終鳴
呼梁公

杜葉公如晦

穆穆葉公奇姿粹靈蘊元和氣為大國禎乘時恢能唐室大開故
久相攜有公時房梁公同志也直上大階更為陰陽迭作日月佐明四海替
育万物王度是欽如玉如金德音惜惜方有千古永稱房杜如周申甫

魏鄭公徵

堂堂魏公崇節大志高幹直從麻手天自致遭風雲時得霸王器一
言委質有死無二撫我則后各尽其志道事李密沈浮變通豈不窮哉
既息皇建其極俾補衮職其繩則直諤諤疑疑危言正色保太宗
德彌違替不日月不蝕黜漢霸雜行周王道人或言秉德不撓
與德舜舜禮興樂崇德洽道豐保合大和昭明有融起四年中
復三代風言出化成神哉厥功尹躬佐商有恥于湯公以其志在
飾聖唐為唐宗臣致唐無疆永式万邦

長孫趙公無忌

趙國之先發祥胡土乃祖乃父受天之祿有女而聖為天下母有子而賢為
唐室輔聖賢同氣千載一觀不顯趙公允文允武克忠克仁實有
大勳高祖受命太宗歸尊翼翼異乾乾恪居于藩群孽亂嗣爭窺

神器鴻業將隊公揭大義二匡天地人至于今家受其賜帝將傳
聖爰有顧命汝忠汝誠莫與汝京與我聖子守唐太平公相高宗
有太宗遺風刑措財豐八荒永同和氣大融妖星龍衣月裡起中宮
公將正之以王帝躬武氏謀位公以力爭力屈群邪誠阻天聰黜非其尤令問無窮

唐昔公儉

歲寒陰凝冰雪皚皚有鳥擇木先陽春來誰欽昔公王佐之材間
運未開登潛龍基代万姓請命與天為媿扶龍而興振起雲雷摧
輿帝圖經始唐基始覆一簣孰焉魏魏易失者時難知惟幾知
幾其神昔公元勳

劉渝公政會

河出崑崙來潤中夏連山合沓橫擁其派巨靈敎然手摩大華決
流東注功並造化粵我聖唐將舉晉陽帝命是將往拯溺于四方
亦既載旆亦既秉鉞強兇當路王威高君雅拒不得發渝公慷慨感
義激節用奇制變大事立決雷奮霆越天衢八達則莫我敢遏如
巨靈破山河勢始豁赫矣渝公與神齊烈跡如仙掌炯炯不滅

李衛公靖

有隋之末羣盜熾熒帝怒震發五星從太白煥照參野將有聖人
兵定天下金精下射猛毅感激李公矯矯從此奮跡躍于中原王
者則獲壯士不死初公不利於我帝欲殺之壯其言而免世士公自唐威載赫帝曰汝傑致天
之罰乎付金鉞俾往式遏不庭則殺如騰發發如火烈烈摧枯爍
雪應鼓如截遠若荆巫險若江湖強若匈奴莫不率從莫不震恭車
書混同氛殺蕩空衛侯之功功則維何威明惠和策勇駕智長驅
仁義仁義曠蕩帝王之將千古曷瞻鐵山巉巉詔築寶勝關象

李英公勣

橫流莫極大亂無象英公傑出雁運為將與楚楚霸與漢漢王
天時人事隨我所向長蛇縱蠶王東據河洛焚焚封豕建來濟同
惡號吼連聲如雷如霆萬里震驚時維英公諒我太宗斬豕以鉞
取蛇于穴群穢殄滅乃定九鼎乃開明堂奄有大邦金甲同光告
成于玉太宗獻捷于高祖與勣俱環金甲為上下將皇業用昌帝命英公北伐後狃雷震
殷殷旌頭幾殞掃雲黑山布唐陽春五原草綠不見南牧曷耒未

庭天子親征其鋒維英莫拒莫抗是震是蕩破東海浪天下既和
解鞍投戈衮服委他華髮皤皤終始三朝無玷可磨

劉蕤公弘基

夔公崢嶸金虎之精應時而生與運俱行惣帝元戎震唐天聲曠
目張膽前無金城別建龍節中分虎旅啓行萬里乘氣一鼓劔揮
雷霆布卷風雨先馳咸陽鎖定天府天府既定唐集大命入揚王
庭出權兵柄薄伐獫狁朔風不競祖征鳥夷東海如鏡義始忠平
元勳之盛

長孫邳公順德

泰山未明雲鬱幽崖日觀赫開舒為丹霞昔我太原賢傑潛屯帝
出于震爛其盈門邳公炳焉實耀其間功參造物謀協先天執及
前驅捧輶南轅以勞以舊佐命之元

虞永興公世南

英英永興華德素行以文富國以道佐命天下既定為唐儒宗東
觀石渠采始生古風乘精繹思假道書圃驅馳百代出入三古問義

黃心聽堯舜語歸來帝側獻可替否帝告永興與鴻碩之倫闡六籍三墳建樂章禮文先師是宗先聖是崇於廓辟雍辟雍沈沈天子所臨或絃或歌講古述今其從八千纓弁森森獬豸冠威詠德音羽林孤兒亦垂青襟洋洋聲教無遠不洎日月所照皆成文字樹爵開古始掃蕩澆季實我群儒成太宗之志英英求興宜曰文懿 公益

尉遲鄂公敬德

洗洗鄂公百鍊龍泉沈醫未宣氣衝斗間佩非其人 初事宋 躍入

大川神武獲焉提之上天天地之內指麾無前能威虎力隱若敵

國剛毅未訥安劉必執武德之屯手拔禍根掃除氛昏捧出日月

耀于天門功成名遂高謝戎事烈烈猛志化為和氣深地高堂頌

性保命屑瑠飲露靜奏清商商為臣勵事君鄂公之志之仁 貞觀後公

不交人事常鍊氣服食奏清商樂以自奉

蕭宋公瑀

隋氏不君忠賢莫用桐生朝陽有集惟鳳捨彼頽厦鬱鬱為新棟

路車玄表開國有宋武德之暮君孽孽內蠱魏魏宋公聳耳節高步

不吐不如不來不去屹岫中立為天一柱從容而言社稷遂安持誠秉忠光輔二君激濁揚清欲人如身道至廣莫我放羣境至天不容纖塵雪山倚空冰壑照人耿介絕倫為唐貞臣

張郊公公謹

有倬郊公屹屹而貞洗洗而仁實太宗信臣有宗守藩內難未夷

圖之則安捨之則危帝臨安危機以懼以疑以著為先知是筮是

次郊公疑然辨鬪折著抗憤正詞用人事定天意身為元龜不知

不識順帝之則以定社稷郊公之力公之云亡帝念其勤若痛在

身天懷發中哭不避辰君臣之間魯古未聞

屈突蔣公通

五運相推土火革期隋化為唐忠臣不知猶驅義徒奮拒王師指

心誓天摩頸待時人歸有德四海皆叛春日滿川流冰未泮亡家

徇國方寸不亂力屈勢窮排空落翰東南慟哭聲盡魂斷仗忠

就擒萬國瞻漢帝曰爾通古之烈士孝于其親誰不欲子俾侯于

蔣授以師紀感恩不死宣力如彼佐唐扶隋名教之美

高申公士廉

維嶽降神佐唐生申忠貞自天孝友如春德為邦基仁厚入倫
肅肅雍雍真王者臣慶因歸妹光延天配文懿皇后公婚媾之中
雲龍潛會建功南海廓我無外諒我撥亂弼文開泰邊彼庸蜀苻
鍾堯季文翁之化若掃于地申公攸徂有教無類父子兄弟望風
相媿敦興儒雅大復禮義西南頌声到今不墜名登元勳理冠群
吏全材大器於鑿厥懿

殷鄭公開山

溫殷公初若儒夫銅印試吏襲衣為儒大風驅雲忽與之俱遭
逢真宰參造化謨天地既開厥功有赫從王龍其行佐帝光宅遠
驥足高揮鳳翻以永終譽垂于竹帛

秦胡公叔寶

洛汭之役龍戰未決我師與王世充陣于九曲秦公應變臨陣電掣銳氣盡來我
盈彼竭成敗反掌存亡奄忽虎來風壯蛟龍轉山沒遂作心旌爰從
討伐崩圍陷陣火迸冰裂翕如鸚聲縱若鯨突功成國定萬古壯骨

程盧公知節

盧公倬然動軼幾先轉禍為福與秦胡公九曲攀龍上天續翻鵬翼積
風乃聳相相將軍大敵則勇雷崩山谷龍虎頓伏颺倒海波鯨鯢
蹉跎見危而進當死不讓干城三朝身老氣壯

段襄公志玄

襄公虎臣先運而臻謁帝太原許曾以身擁劔駕氣騰風躍雲
積思累仁光有厥勳建浣北伐細柳宵屯風溢霜凝嚴局達晨
天子之使駐車軍門軍屯蕭章門外壁安衆秉威此真將軍侏侏
相相克壯有聞

許譙公紹

羣動相食血流中原譙公夷陵豺虎為鄰列境連城火炎煙昏皎
其一邦如玉不焚三光忽開萬象皆新誰有天下平生故人公與高
引忠歸誠豹變蠖伸金石之契移為君且弈弈煌煌為龍為光元
戎啓行大旆央央式渴大江奄征南方恩斯勤斯兩不可忘

三賢贊并序

司空圖

隋大業間房公李公魏公同師文中子嘗謂其徒曰玄齡也志而
密靜也惠而斷微也直而遂俾其遭時致力必濟謨庸厥後果然
宜有贊激云

三賢志同夙尚儒風以植公忠出遇太宗謀厥群雄君勞臣協荒
夷阻關百千年社稷

自題寫真贊

裴斐

爾才不長爾貌不揚胡為將胡為相一片靈臺丹青莫狀

張荊州畫贊并序

呂溫

中書令始興文獻公有唐鯁亮之日也開元二十二年玄宗春秋
高矣謂太平自致頗易天下綜覈稍息推納浸廣若君子小人摩
有子朝直聲遂寢邪氣始勝中興之業襄焉公於是生人為身
社稷自任抗危言而無所避秉大節而不可奪小必諫大必諍攀
帝檻辱吳階犯雷霆之威不辭不止日月幾蝕歷天却明為分虎
而冠之不敢猛視羣賢倚賴天下仰望稟稟乎千載之望矣不虞
天將啓幽薊之禍俾茲呂乘豐以速致戎詐成讒勝聖不能保統

我公衮衮于侯服身雖遠而諫愈切道既塞而誠彌堅憂而不怨
終老南國於戲功業見乎變而其變有二在否則通在泰則窮開
元初天子新出艱難久憤荒政樂與羣下勵精致理於是乎有否
極之變姚宋坐而乘之舉為時要動中上急天光照身宇宙在手
勢若舟楫相得當洪流而鼓迅風宗朝千里不足怪也開元末天
子倦于勤而安其安高視穆清霽然大滿於是乎有泰極之變荆
州起而扶之舉為時害動拂上欲日與讒黨抗行於交戟之中勢
若微陽戰陰衝密雲而吐丹氣欻耀而滅又何難乎所痛者逢一
時事一聖踐其跡執其柄而有可有不可有成有不成况乎差池
草茅沈落光耀者復何言哉復何言哉曹谿沙門靈徹雖脫離世
務而猶好正直攜其圖像因以示余觀而感之仍作贊曰

唐有棟巨往矣其邈世傳遺像以竟後季德容恢異天骨峻擢波
澄東溟日照秦嶽具瞻崇崇起敬起忠貌與神會凜然生風氣蘊
逆鱗色形匪躬當時曲直如在胸中鯁鱗初脫激海以化羊角中
頽摩天而下無喜無愠亦如斯畫嗚呼為臣傲爾夙夜

尚書右丞徐公寫真圖贊 并序

獨孤及

侍御史韓公至清以季藝書畫之美聞于天下辛丑歲三月以王
事廢監館于豫章與前尚書右丞徐公同舍於惠明寺之淨室嘗
以暇日裂素灑翰畫徐公之貌陳於公之座隅而美目方口和氣
秀骨丹毛整無差若今形於鏡入自外者或欲擊趾揖讓俯俸拜謁
不知其畫也衆君子嗟歎之不足則言以讚其美其亦繼唱于後
○哲匠運思天姿是具假之筆精實以神遇居然成象豁若披霧
瞻仰神鋒如窺武庫婉婉高議昂昂獨步絕頂孤松空波白鷺不
和之色匪躬之故孰知其化亦在毫素

文粹卷第二十三

乙卯三月六日

文粹卷第二十四

贊下摠二十八首

吳興姚

鉉

纂

孝子

二孝贊

古賢

四皓贊

南山四皓畫圖贊

四皓後贊

四公子贊

名臣

鳳閣王侍郎傳論贊

浮圖

三如來贊

西方淨土變相贊

藍田法池寺二法堂贊

誌公畫贊

達摩和尚法明義贊

天台和尚法明義贊

能秀二祖贊

誌公贊

唐大通和尚法明義贊

唐鶴林和尚法明義頌

李居士贊

圖畫

龍馬圖贊

騶虞畫贊

猊屏贊

畫鵬贊

怪松圖贊

金鄉薛少府廳畫鶴贊

鳥

雙白雁鳥贊

絕藝

裴吳將軍射虎圖贊

雅樂

霹靂琴贊

琴贊

橋梁

蒲津橋贊

○ 一孝贊 并序

李華

靈武二孝曰侯知道程俱羅目不覩朝廷之容耳不聞韶夏之聲
 足不登齊魯之境所見戎馬旂裘參於夷狄而能生養以孝沒奉
 以哀穿墻起墳出於身力鄉人助之者哭而反之廬於塚次號泣
 無窮侯氏七年矣程氏三年矣根於天性陶我孝理其至于哉埃
 石積自草生長髮間每大漠晨空連山夜寂人煙四絕虎豹與鄰
 先秋而落景氣不時而疑開殊鳥異獸助之悲號萬物有極此
 哀無窮大哉二子能以孝終始乎語曰孝如曾參不忍離其親生
 既不忍歿忍離之哉二子之孝過於曾氏矣昔吳起忍與母盟陳
 湯忍匿父喪起謀復楚霸而戮死湯功釋漢恥而囚廢神道昭昭

若何無報九州之衆誰非人子踐霜露者聞風未懷土有感一語

一顧猶或與之死生嘉一草一木猶或定之歌詠而況百行之宗

終天之感乎華奉使朔陲欲親往弔焉屬河涉絕渡願言不果憑

軫聞川寄聲二孝同為贊一章敢旌善人以附博史其文曰

厥初生人有君有親孝於親者為子忠於君者為臣兆自天命降

成人倫皆死不義忘生不仁愚及智就為之禮文禮文不能節其

哀藝道德之元純至哉侯氏創鉅病毅手足胼胝成此高墳蔬果

為奠茅蒲為茵其奉也敬其生也貧大漠黃沙空山白雲栢庭既

夕松路未晨冠戎接境豺狼成群夜黑鷗動如臨鬼神哭无常聲

迴徹蒼旻風雨漂搖文舛鱗皴色慘我蒿聲酸棘薪直斬三年爾

獨終身邑子程生其哀也均顧後絕配瞻前无鄰冬十一月河冰

塞津吾將弔之其路無因寄誠斯文揮涕河濱

四皓贊 并序

梁肅

道可佐皇而隘於帝治是以崆峒箕山之長揖於軒堯也德宜輔
 王而偶生霸世則四皓之所以晦明於漢氏也噫周道絕而王澤

涸秦短世而漢雜興六合披攘兵不暇戢則四公軒軒然鴻飛于
冥時也天下大寶負一人攸繫苟蔑嫡宗庶則亂是用長而公優優
然俯定諸后權也處則以時出則以權時以全已之道權以安天
下之器得非知幾者歟易謂知幾其神乎四公躰之故曰時合道
合時塞道塞生非其時與道消息四公之謂歟贊曰
奈失其鹿豪傑並逐焉鳳何依白雲深谷英英南山采采紫芝漢
以劍起吾誰與歸栖心化元澹泊無爲為禮物雖至先生默而惟彼
貞石確不可轉儲皇不安我德用顯大君是驚惠位是寧四公
屈身天下和平弋者何思鴻飛宜真

南山四皓畫圖贊 并序

韋渠牟

故人清河房茂長刺商山成簡靜之化曰隱居之類也畫茲圖以
玩予緬乎沈吟想似之不足故爲文以懿之詞曰
煥煥煌煌爲珪爲璋孰光乎不耀之光幽幽深深爲山爲林孰繫
乎不繫之心足知乎虛室上白玄門不關流水去住清風往還豈
比天稷契在出巢由在山一物有累兩心不閑者哉閑之謂何贊

裾薛羅本不干我豈云其他熙熙忻忻與時爲春在漢避秦惟茲
四人于德之鄰不孤其身于禍之濱不迷其津繪事既素孰知其
故想像儀刑念茲丹青曄曄紫芝深谷逶迤俛仰今古空林住時
鳳豈無德鸞皆有祥出處語默商山白雲

四皓後贊

李華

時濁代危賢人去之商洛深山鸞鳳潛飛漢以霸興皇王道衰王
帛銜至先生不歸吾非固然可動而起飛眉皓髮來護太子至尊
動容奪嫡心已四駁負軒屈天下定矣返駕南山白雲千里

四公子贊 并序

潘存實

四君富齊楚趙魏之盛門客三千人聞者孰不慕之有未達則孰
不曰一朝富且貴必然嗚呼自四君歿千載之間豈無貴於四君
者豈無富於四君者而然者其誰既富貴則曰彼四子徒沽名爾三
千之人何爲哉悲夫人之貴也爲身四君之貴也爲人富貴皆知
可及也而富貴之心與貧賤之心不相負者愚則未見其及也贊
曰 四人爲身萬千人爲耳目四人爲梁萬千人爲榱桷

有危可乎有死可生豈披威馮寔惟義爭嗟乎人之家或財不自
與心不自是妻不睦夫父不慈子而況乎萬二千士懿哉恨目不覩此

鳳閣王侍郎傳論贊并序

李翰

論曰王氏之先蓋出於有周自后稷公劉迄乎大王王季以至文
武成康累聖重光以成王業故能十世三十十年七百天所命也
不及靈王厥德雖衰而天命未改有太子晉者登仙于伊洛之間
其後代子孫遂稱爲王氏者其綿系不亦遠乎既而姬氏運窮戰
國蜂起有錯爲魏將翦爲秦將咸以武功翊扶霸業宏謀遠略二
國相爲自秦至漢有吉有駿爲漢代名賢自漢至晉有覽有祥爲
晉室公輔時徐州刺史呂虔檄祥爲別駕虔有佩刀工者相之以
爲三公之器虔謂祥曰苟非其人刀或爲害卿有公輔之量故以
相與祥固辭不獲而後受之祥在魏爲司空天尉封睢陵侯晉武
帝踐祚拜太保爵爲公年八十餘賜几杖不朝爲國元老祥臨薨
以佩刀授其弟覽曰汝後必興足稱此刀覽拜光祿大夫封即丘
子門施行馬覽生撫軍長史裁裁生丞相始興文獻公道王匡輔中

興遷都建業元帝倚以宰衡之任而王氏盛於江左矣其緒也則
悅伯珣珉以弘雅清亮重於時其傍枝也則渾戎衍經以曠達夷
坦高於物若乃器宇宗貌風馳雷朗則宋侍中左光祿大夫開府
儀同三司特進豫寧文侯其人也忠肅恭謹管慈惠和則宋侍中
金紫光祿大夫開府豫寧忠敏侯其人也開物成務緯地經天則
齊中書監尚書令太尉南昌文獻公其人也廉正澄絜恬虛簡澗
則梁侍中金紫光祿大夫中書令南昌安侯其人也美幹英姿通
機敏藝則梁侍中金紫光祿大夫五兵尚書南昌章侯其人也博
學高才鴻筆麗藻則周內史太子太保驃騎將軍開府儀同三司
司空司徒石泉康公其人也典有則如珪如璋則隋安都郡太
守石泉侯其人也道韻清穆德徽光劭則太子舍人荆王府司馬
皇朝贈魏州刺史其人也其餘枝分葉散岳峙川流孝範忠規仁
聲義烈女嬪帝子勇尚王姬公侯保輔之尊令僕卿尹之貴組龜
鳴玉紫蓋朱軒赫奕蟬聯續紛蕃藹市朝亟改而无替舟壑驟遷
而不易衣冠禮樂百代傳之而比肩人物風流四海望之而延頸

豈不美哉雖復魚且相之子孫鄭七穆之宗族晉之藥范齊之國
高張氏之七葉貂蟬楊家之四世巨冢石奮石慶恭脊重規胡質
胡斌清廉疊軌父子儒學相榮與相郁相承兄弟文章陸機與陸
雲齊舉未足以延茲家範麗我門輝所謂積善之家必有餘慶盛
德必有百世之祀者也善乎郭景純之言淮水絕王氏滅此非其
效歟石泉公承積德之基挺舉和之氣鬢齒之歲便能竭力以
事親其性純篤率由而至精神朗悟特異常童好學讀書略无懈
倦常研味經史雖寢食有所不遑纒及成童已為博達朋侶推薦
東歸爰而就列焉麻在州郡咸以材能底績既以賢良文孝舉又以
夙行公方進遂乃昇臺府拜卿僕三典名獄一旌神州始學之今
得而行之以明察禦姦豪以慈和撫孤弱以謹靖成公務務以清白
杜私求珠玉非所寶負脂膏不能潤故能所廣者紀不令而行千里
應其言百姓歸其德所謂愷悌君子人之父母者也及其翔鳳池
執螭劍出納王命弼諧帝陞理在將順怡然而奉百事當准色侃
然而犯鱗常欲興禮制樂簡刑寬政將大儒術抑吏道正風俗厚人

倫乃濼暖之忠誠史魚之端操孟公綽之不欲季文子之無私羊
與祖之衣惟葛袍公孫弘之食惟粟飯西寵之奏稟咸前孔光之
溫樹不言我之行事立名殆出於數公之右矣由是特為上所親
倚常以忠賢許之其好古博雅述作無倦游心於千載之表騁思
於九流之域雖堆棧盈机積訟充庭汗簡懷銘畧刻无捨所莅
之職由中及外或考其事或相厥士博採前志旁求故實輒加撰
錄無以闕遺至以祖德家聲前言往行追述編紀動成部帙有忠
孝之道焉有禮義之規焉有經邦之則焉有正家之訓焉固可以
詒厥孫謀播乎長世者也易曰君子體仁足以長人嘉會足以合
禮利物足以和義貞固足以幹事又曰君子進德修業忠信所以
進德也脩辭立其誠所以居業也又曰君子學以聚之問以辯之
寬以居之仁以行之詩曰瑟兮僖兮赫兮烜兮有斐君子終不可
諼兮道盛德至善人所不能忘也又曰樂只君子邦家之基又曰
樂只君子顯顯令德宜民宜人受祿千夫若石泉公者可謂備君
子之德矣其為聖朝輔佐受天之祿也宜哉贊曰

山宿靈液流津積德累仁生賢清神孝以事親忠以為臣履
道正身乘國之鈞君子哉若人上德哉若人

三如來畫像贊 并序

梁肅

法王之身有二曰法曰報曰應報身從無邊功德生應身依心邊
衆生生法身從如如無有生分別說三其極一貫原夫大道之體
離一切相是其本也積大德施大惠合大道成大身是其報也出
入十界隨所利見如水月鏡是其應也自因至果故不得不有其
報病一切病故不得不行其應應亦名也報亦名也各乎哉其實
相之實乎經云觀身實相觀佛亦然嘗試思之以為衆生蓋反佛
者也是三相在佛為三德在凡為三障一者生死生死即空寂空
寂即法身也二者煩惱煩惱即智慧智慧即報身也三者結業結
業即解脫解脫即應身也三德成於悟三障成於迷迷而不復也
遂自絕於佛乘哀哉子嘗齋心命工列表素作繪聖德之形容可與
目而見見而後思思而後知至知至之路蓋由是矣瞻仰之不足
遂為之贊庶觀者有以三如來不在心外不可以有無心取云

大哉法體體如虛空不始不終不垢不淨不邊不中是謂涅槃是
謂法身諸佛性海是無上正真

右贊毗盧遮那佛

妙哉報體體法而大由清淨功德色無礙德色無礙成實智慧範
圍法界盡未來際

右贊盧舍那佛

神哉化功萬化無方休有剎光以百億色身播百億國土啓權顯
實或默或語示我寂滅雙林之下

右贊釋迦牟尼佛

三聖一身本無有異怕沙諸佛其道一致衆生唯妄竟妄斯至懸
象著明用變惡心地

右惣贊

金銀泥畫西方淨土變相贊 并序

李白

我聞金方之西日沒之所去中華十萬億刹有極樂世界焉彼國
之佛身長六十萬億恒沙由旬眉間白毫向右宛轉如五須彌山

日光清白若四大海水端坐說法湛然常存沼明金沙岸列瑤樹
欄楯彌覆羅網周張車渠琉璃為樓殿之飾玻璃馬腦耀階砌之
榮皆諸佛所證无虛言者金銀泥畫西方淨土亦相蓋焉翊郡太
夫人奉為亡夫湖州刺史韋公之所建也夫人蘊冰玉之清敷聖
善之訓沉麗義大希拯拔於幽塗父子恩深用薰脩於景福誓捨
珍物購求各工圖金創瑞繪銀設像八功德水波動青蓮之池七
寶香花光映黃金之地清風所拂如生五音百千妙樂咸疑動作
若已發願及未發願若已當生及未當生精念七日必生其國功
德固極酌而難名贊曰
向西日沒處正瞻大悲顏目淨碧海水身光紫金山勤念必往生
是故稱極樂珠網珍寶樹天花散香閣圖畫了在眼願託彼道場
以此功德海具祐為舟梁八十一劫罪如風掃輕霜諦觀无量壽
長放玉毫光

法池西三歸院二法堂贊 并序

張說

法池西三歸院二法堂故寺長老初上禪師所造也禪師俗姓彭

名知至性篤孝執親之喪七日不食微言密行志道探玄究易老
莊大一之旨善正書擅鍾玉品格其點畫宛秀毫縷必見如折槁
荷磨石文石筋理灑灑固非人力之所致也中朝名士山數高尚法
流開勝遠近慕焉及晚年專意於禪須生平藝業脫落遺塵矣常
歎曰帝王父母許我出家雨露生成恩惟一揆依如來教創是功
德方一乎獻福二宮潛祐七祖將與一切咸登道場於是三歸堂
以長安元年辛丑子月望日癸未立善法堂以開元元年癸丑丑
月望日戊辰建禪師母弟七弟弟子沙門啓疑及沙彌今哲左右
斯業實有力焉而作贊曰

三歸堂贊

敬告諸佛子一心清淨觀欲求止真道當從信根入是佛虛空相
是法微妙光定慧不相離是僧和合義人空法亦空三亦復空
住心三空寶是名三歸處

善法堂贊

至哉初上人建立善法堂寂鑿三世佛莊嚴清淨眼能運无礙心

普入於一切見若不染色知若不取識是名真見亦名解脫知
佛觀離生滅諸法等如是

誌公畫贊

李白

水中之月了不可取虛空其心裏廓元主錦標鳥爪獨行絕侶刀
齊尺梁扇迷陳諸丹青聖容去住无所

六贊

釋皎然

達磨和尚法門義贊

我師西來傳乎真訣大輪當路小乘亡轍冥冥世人初見日月權
跡有端光明不滅

天台和尚法門義贊

我立三觀即假而真如何果外強欲明因万象之性空江月輪以
此江月還名法身

能秀二祖贊

二公之心如月如日四方无雲雲空而出三乘同軌方法斯一南
北分宗主言之失

誌公贊

大動之地我安其中高景无氛靈鶴在空中出生死泥隨物有終終
形駭俗借續開蒙常攜刀尺精意誰通

唐大通和尚法門義贊

觀淨之空斯言不住四色蓮花白花為喻應知離相或未真通吾
師惠心雲開天空

唐鶴林和尚法門義贊

真見之體知而不知性猶无主禪何有支我本真寂湛而不移筆
來化人慈力所為

李居士贊

李白

至人之心如鏡中影揮斤方變動不離靜彼質我斤揮風是騁了
物无一皆為匠郢吾族賢者名喧寫真貌圖物續生為垢鹿交白
得衰與天為鄰儼然不語長存此身

龍馬圖贊 并序

柳宗元

始吾聞明皇帝在位靈昌郡得異馬于河而莫知其形好事者遂

人盧遵以其圖來示余其狀龍鱗虺尾拳鬣環目肉豎馬之靈怪
有是邪居帝閑幾二十年從封禪郊籍鳴和亦金者數十事遇亂
帝西幸至咸陽西入渭水化龍泳去不知所終且其來也宜于時
其去也存其神是全德也既觀其形不可以不贊

靈和粹異為至神兮僕毛童髮亂疏紫鱗兮巍然特出瑞聖人兮
理平和樂百禮陳兮鳴銜在御大路遵兮出世道悖還吾首兮哀
鳴延首渭水濱兮沛焉潛泳旋瀚倫兮淵居海遊靈元鄰兮出處孔
時類至仁兮嗟尔衆類孰是倫兮進昏死亂沾厥身兮匪馬之慕
吾誰稱兮贊之斯圖宜且世珍兮

騶虞畫贊 并序

白居易

騶虞仁瑞之獸也其所感所食既其形狀質文孫氏瑞應圖具載其
事元和元年夏有以騶虞圖贈予者予愛其外猛而威內仁而信
又嗟曠代不覲引筆讚之詞曰
孟山有獸仁心毛質不踐生芻不食生物有道則見非時不出三
季已還退藏於密我聞其名徵之於書臯識其形得之於圖白質

黑文貌首虎軀是耶非耶孰知之 聖已矣夫已矣夫前不見其往
者後不見其來者于嗟乎騶虞

獬豸贊 并序

白居易

獬者象鼻犀目牛尾虎是生田方山谷中寢其皮辟溫圖其形辟
邪子舊病頭風每寢息常以小屏衛其首適遇畫工偶令寫之按
山海經此獸食鐵與銅不食地物因有所感遂為贊云
邈哉奇獸生于南國其名曰獬非鐵不食昔在上古人心忠所負征
伐教令自天子出劔戟首用銅鐵羨溪溫獬當是時飽食終日三代
以降王法不一鑠鐵為兵範銅為佛佛像日益兵刃日滋何山不
刻何谷不墮銖銅寸鐵罔有子遺悲哉彼獬無乃餒而嗚呼匪獬
之非惟時之悲

畫鵲贊 并序

白居易

壽安公白昊字宗兄也得丹書之妙傳寫之要毛群羽族尤是所
長長慶元年以畫鵲賦予予受之因題贊曰
鷲禽之英黑鷲丁丁鉤綴八爪劍捕六翎想入心匠寫從筆精不

如不鷄一日而成軒然將飛戛然欲鳴毛動骨活神來著形始知造物不必窺具但獲天機則與化爭韓幹之馬籍籍知名薛稷之鶴翩翩有聲研工覈能較真鬪靈豈無他人不如我兄

怪松圖贊 并序

陸龜蒙

有道人自天台來示余怪松圖披之甚駭人目根盤于巖穴之內輪囷逼側而上身大數圍而高不四五尺礪礪然蹙足縮然幹不暇枝枝不暇葉有若龍鬣虎跛壯士囚縛之狀道人曰是何物怪如是耶子能辯之乎余曰草木之生安有怪耶苟肥瘠得於中寒暑均於外不為物所凌折未有不挺而茂者也矧松柏乎今不幸出於巖穴之內性脆者則磳然其牙伏死其下矣何自奮之能為是松也雖稚氣初折而正性不屈及其壯也力與石鬪乘陽之威悲已之軋技而將升卒不勝其厭擁勇鬱遏空憤激訐然後大蹙蹙於形質天下指之為怪木吁豈異人乎哉天之賦材之盛者豈不得用於世則伏而不舒薰蒸沉酣日進其道摧擠勢奪卒不勝其阨蹙呼嗷擊收越赴訴然後大奇出於文采夫下指之為怪

民嗚呼木病而後怪不怪不能圖其真文病而後奇不奇不能駭於俗非始不幸而終幸者耶道人曰然為我贊之贊曰
松生蔭隘巖穴械病乎不快卒以為怪擁腫支離神羞鬼疑道人嗟咨筆傳其奇或怪其形或奇于辭自為怪題是以贊之

金鄉薛少府廳畫鶴贊

李太白

高堂蘭軒芳雖聽訟而不擾圖蓬山之奇禽想瀛洲之縹緲紫頂煙艸丹眸星皎昂然佇胎霍石駭驚矯形罔塵隅勢出天表謂長鳴於風宵終寂立於霜曉疑龍益古爾察逾妍舞疑傾而聽似聞絃儻感至精以神變或可弄景以浮煙

雙白雁贊 并序

蘇頌

開元乙卯歲東夷君長白肅會扶餘而貢白雁鳥雙其一重三斤有四兩其一重三斤有二兩皆皓如練色斑若綵章積雪全映飛花碎點所謂金氣之英瑤光之精高舉厚臆長距秀頸奮翼發而銳堅剛則厲摩挲夫絕海雷擊颯逝觀其行時令順秋殺拍壘應捷顧眄餘雄當落鵬之賞蔑仇鷁之敵實稀代之尤也皇上祗雁有聖

圖欽若王道方寶賢重穀尊儒食艾後宮撤綺繡前殿焚珠玉與
王侯卿士朝夕論思異无所貴輕衛公之好鶴奇无所珍同漢皇
之却馬改豈務於馳騁猶以存乎蒐狩未嘗合圍掩群截羽灑血
乃強不攫而猛不噬矣然以乃方入貢懷其來也三年重譯嘉其
至也故仁為之心有仁則勇威為之力有威則重況此鳥猛過於
衆重倍於凡礼於君則勸忠祭於祖則立敬壯其躰則用武解其
翼則成文彼寵而服之鷓也能果榮而戴之蟬也能絜矧乎職命
司殺師惟尚父聞箴刺姦擇善為吏誓盡漢士之具式匪從禽之足
云此謂備於圖而傲在位也微臣奉制敢稱贊曰
唯鳥之大者精明竦峻勁而橫絕雄則遠振錦文素練珠聯玉潤注
乃奮威將軍所徇唯鳥之次者勇銳光甚截海而至乘風載揚絡以
紅點文其綵章下韉必中惟吏之良

裴吳將軍射虎圖贊 并序

李翰

世稱裴將軍射虎而不及見駕部郎中兼侍御史梁陽鄭公博
物好古旌能尚藝于裴氏子得其先人射虎圖傳以示予壯哉古

今之未有倫也夫弧矢之用所以服猛除暴而威戎狄故士生則
以蓬矢射四方君立則以五侯選諸侯五侯之正皆飾以熊虎猛
獸之皮象而射之也昭除暴若也周官曰張五侯則遠國屬射
而中之威不庭也昭昭乎除暴威遠之義蓋射之大端若殺不加
有罪威不庭雖有百中之功而無一發之矢毅弓鳥下拾矢
獲號工則工矣是射之末節開元中山戎寇邊玄宗命將軍守北
平州且充龍苑軍使以捍剽之北門公嘗率偏軍橫絕漠策四馬
陷重圍搖鞞轡而白乃洞開驅囊駝而沙場一掃聲振北狄氣情
東胡拔威大矢而北平連山廣野地實多虎擇肉於人如有飛翼
若存食邊鄙甚於戎夷群老鳥而請焉公於是屏車徒去矛鏃曰賈
子餘勇挺身以餌之既既虜虜烈烈騰逝當其威怒也百獸以伏
萬夫莫抗而公馳單騎鼓白羽桃之使來翼之而迴從容反視咫
尺旋斂心即其度手張其機左射右拂燦之壘島中皆沒羽倒必
應弦毛紛血灑腋洞心穿或叱之而弭伏或筆之而却走將威有
所勝氣有所全精專於中志正於內故能以一人之力戰群虎之

命使鋸牙鉤爪戢而莫措雷聲電視洎而不揚猛摧於采衆怯
於獨其爲易也若獵狐兔然鷲爲鶴雖有矯牙冠群亦垂頭搨尾應
鎬而斃如此者凡三十有一矣其餘窟窟不敢復出大漠之南千
里罷能爲鳥獸咸若山川以寧胡人服藝畏威不敢南牧願充麾下
者五。餘人茲所謂剛猛除暴而戎夷格昔漢飛將軍亦爲北平
守擊胡有困辱之事射虎有騰傷之患其與將軍神勇非爲侔矣
鄭公既寫其圖俾予贊之詞曰

憬彼山戎噬我封略有群者虎載肆騰搏邊氓慄慄若崩厥角將
軍出塞屏黜車騎進馬前當挺身以領威有所服精有所聚氣全
以雄力果而取震驚醒夔夔虎反如鼠威武桓桓人反如虎勁弓
雷霹長矢電激中口穿習貫心洞腋視如空皮割若破的應發連
斃紛紜枕藉據鞍遙叱揮筆逆擊閉目沈其喪精擗易三軍駭呼
萬靈動魄海波爲騰塞草皆赤下旌侯關方聞兩獲漢將如飛
幾爲所扼將軍神勇冠世超昔號猿味士飲羽非敵弧矢之設以
威四方群虎既夷狄人來降收闔罷荷山川以寧至今其業猶畏其

靈

霹靂琴贊并序

柳宗元

霹靂琴老寒陵湘水西震餘枯桐之爲也始枯桐生石上詭首三層
蛟龍伏其窟一夕暴震火之焚至且乃已其餘碎然闔外皆下震
旁之民稍柴薪之超道人聞取以爲三琴琴莫良于桐桐之良莫
良于生石上石上之枯又加良焉火之餘又加良焉震之于火爲
異是琴也既良而異合爲二美天下將不可載焉微道人天下之
美幾喪余作贊辭識其超之石與琴著其事又益以序而爲他傳諱
曰 惟湘之涯惟石之危龍伏之靈震焚之奇既良而異其合
其美超實爲之贊者柳子

琴贊

李白

嶧陽孤桐石從天骨根老冰泉葉苦霜月斷爲綠綺微聲數葉後
秋風入松萬古奇絕

蒲津橋贊

張說

易曰利涉大川濟乎難也詩曰造舟爲梁通乎險也域中有四瀆黃河
居其長河上有三橋蒲津是其一隔秦晉塞臨晉名關關西之要衝

河東之輻湊必由是也其舊制橫組百丈連艦千艘辨修竿以維之
繫圍木以距之亦云固矣然每冬冰未合春冰初解流漸湍塞川
而下如礎如臼如堆如阜或攢或提或磨或切縷斷航破元歲不有
雖殘渭南之竹什隴坻之松敗輒更之罄不供費津吏成罪縣徒告
勞以為常矣開元十有二載皇帝聞之曰嘻我其慮哉乃思索其極
敷祐于卜通其委使人不倦相其宜投彼有司俾鐵代竹取堅易脆
圖其始而可以紓其終而就逸无疆惟休亦无疆惟恤於是大匠咸
事百工獻藝賦晉國之二鼓法周官之六齊飛廉煇炭祝融理爐是
鍊走身亦錯亦鍛結而為連鑿鑿而為伏牛偶立於兩岸襟束於
中渾鎖以持航牛以繫纜亦將厭水物莫浮梁又疏其舟問畫其
鷁首必使奔漸不突積湊不隘新法既成未代作則原夫天意有四
百焉濟人仁也利物義也順事禮也圖遠智也仁以平心義以和氣
禮以成政智以節財心平則應請自神矣氣和則感生万物矣政成
則又文之經矣財節則豐武之德矣故夫將備其禎也將阜其用人
將盡其力聖皇之道乾乾翼翼觀擊而無窮詠功而無極

文苑英華卷二百五

表奏書疏甲 卷二十三首

吳勳姚

鉉

纂

節疏

請上尊號表

賀冊尊號表

奏赦

為桂州王琪中丞賀赦表

政事

奉天論延訪朝臣表

獻事

為陳正卿進續尚書表

進渾儀表

為東中薛太守進王氏瑞詩表

進張巡中丞傳表

配祭

論郊祭合設皇地祇表

教化

請行禮樂化導三事表

刑爵

為敬暉等論武氏宜削去王爵表

抑外

請抑損外戚權寵并乞佐外郡表

請上尊號表

韓愈

臣某言臣得所管國子太學廣文四門及書算律等七館學生沈
周封等二百人狀稱身雖賤微然皆以選擇得備學生讀六藝之

文修先王之道粗有知識皆由上恩天子整齊乾坤出入神聖經
營乎無為之業游息乎混元之宮不謀於廷不戰於野坐收異部
旋定幽都析木天街星宿清潤北嶽繫閭神鬼受職地彌天區界
軼海外舜之十有二州周之七百餘國章亥所步禹契所書四面
輻湊各濟真職西戎之首北虜之渠怕威愧德失據狼狽收其種
落逃遁遠去來獻羊馬千里不絕功既如此德又如彼爰初嗣位
去女孽孽隨所顧指應時清寧享天下之鰥寡釋四海之鬱鬱結左
右前後莫匪俊良小大之材咸盡其用無所誅詰一和以仁由是
五穀咸登百瑞時見六府三事惟序惟歌昔者媯皇殺黑龍以濟
盈州堯誅九頭蚩以定下土血兵刻力僅就厥功以方吾君一何遠
也克之在位七十餘載戒飭咨嗟以致平治孔子之聖自云三季
有成今自嗣位已來歲有餘耳臻此功德其何捷哉置郵傳命未
足以諭以非常之功襲尋常之號以冠古之美屈守文之名臣子
之誠闕而不奏天號人稱不滿事也斯亦摛紳先生之過也謂臣
官居詔長不言謂何考其所陳中於義理天人合應不謀而同非

臣之愚所敢隱蔽輒冒死以聞伏乞天恩特允誠志令公卿大夫
得竭思慮取正於經以定大號有司備典擇日以頒天下幸甚天
下幸甚

賀冊尊號表

韓愈

自某言伏聞宰相公卿百官及關輔百姓耆老等以陛下功崇德
鉅天成地平宜加號殊常以昭示於來載陳請懇至于再于三陛下
下仰稽乾符俯順人志乃以新秋首序令月吉辰發揚鴻休膺受
顯冊天人合慶日月揚光環海之間含生之類誠歡誠喜頓首頓
首臣聞體仁以長之謂元發而中節之謂和無所不通之謂聖妙
而無方之謂神經緯天地之謂文戡定禍亂之謂武先天不違之
謂法天道濟天下之謂應道伏惟元和聖文神武法天應道皇帝
陛下子育億兆視之如傷可謂體仁以長人矣喜怒以類刑賞不
老可謂發而中節矣明照無私幽隱畢達可謂無所不通矣發號
出令雲行雨施可謂妙而無方矣三光順軌草木遂長可謂經緯
天地矣除刻殺盜高懸清夷可謂戡定禍亂矣風雨以時祥瑞

輻湊可謂先天而天弗違矣國內無饑寒四夷皆朝貢可謂道濟天下矣衆美備具名實相當赫赫魏魏超今冠古方當議明堂辟雍之事撰泰山梁父之儀搜三代之逸禮補百王之漏典時乘六龍肆觀東后微臣幸生聖代觸犯刑章假息海隅死亡無日瞻望宸極心竄飛揚有永弃之悲無自新之望曾不得與鳥獸率舞變夷縱觀茹痛銜酸且愧且恥無任感恩戀闕懇道彷徨之至謹奉表陳賀以聞

為桂州王珙中丞賀赦表

令狐楚

臣某言伏奉十一月十日制書南郊大禮畢大赦天下者湛恩厯鴻大號渙汗際天接地孰不慶幸臣其中謝臣聞禘嘗之禮所以仁祖禰也郊社之儀所以尊天地也五帝之前賁桴土鼓致其敬敬有餘矣而禮不足三王已降金罍玉斝備其儀儀有餘矣而敬不聞秦之增封也魏望神仙漢之郊立也禳除災害雖無文而感終有廢而莫舉猶可以編在方冊垂其鴻名豈若國家祭文質于六經之中陛下酌損益於百代之後順昊天而成命得黎人

之懽心九穀有年四方無事然後因吉上迎長日感池屢奏大族登歌萬靈識周旋之位百神知鄉食獻之節雲散而柴燭高達風清而蕭薌遠聞信大報之無私亦老鑿之不昧臣當時集軍將官吏僧道百姓等丁寧宣示訖惟天之意莫遺於微細如日之輝不隔於幽遠頑艷知感鬼神懷柔何者刑莫大於成獄陛下捨之罪無輕重因莫深於延賞陛下推之澤及存歿行道求志敢於直言者既許以親覽見觸綸星網屏在遠方者又移之近郊臧來歲之新租昭其儉也弃比年之逋債弘諸仁也念勳臣而樹勳者益勸尊有德而不德者知慙賜羸老有粟帛之優禮神祇無牲幣之愛此所謂幽室盡時枯條徧春雷雨作而蟄蟲昭蘇風雲行而龍鳥飛舞率土臣妾不勝大慶况臣蒙被恩澤獲齒生類會守遠郡阻規盛禮排徊天外自與心斷無任抃躍之至謹遣尖將王清朝等奉表陳賀以聞

奉天論延訪朝臣表

陸贄

臣某言賊泚逋誅尚穴宮禁陛下思慈宗廟痛傷黎元仁孝交感

至於憤激猥以急務下詢微臣臣雖鄙儒尊慕行義荷陛下知
己之遇感陛下思理之誠愚衷所懷承問輒發不以淺深自揆不
以喜怒一虞誠缺於周防承順之規是亦忠於陛下至之分也
前奉詔問尋具上陳請延群臣稍與親接廣咨訪之路開諫諍之
門通壅懣之情弘採拔之道自獻荅奏治茲彌旬不聞施行不賜
訓詰未審宸旨以為如何如昧於付量但務竭盡恐由辭理蹇拙
不能暢達事情悽悽血誠復願披瀝煩黷冒豈不慙惶蓋大馬
感恩思效之心瞻瞻而不能自止者也臣聞立國之本在乎得衆
得衆之要在乎見情故仲尼以為人情者聖王之田理道所由生
也是則時之否泰事之損益萬化所繫必因人情情有通塞故否
泰上情有厚薄故損益生通天下之情者莫智於聖人盡聖人之
二者莫測於易象其列卦也乾下坤上乃為泰乾上坤下乃為否
其取象也損上益下則曰益損下益上乃為損乾為天為君坤為
地為臣天在下而地處上於位乖矣而反謂之泰者上下交故也
君在上而臣處下於義順也而反謂之否者上下不交故也氣不

交則庶物不育情不交則萬邦不和天氣下降地氣上騰然
功成君澤下流臣誠上達然後理道立損益之義亦由是焉上約
已而裕於人人必悅而奉上矣其不謂之益乎上蔑人而肆於己
必怨而叛上矣其不謂之損乎然則上下交而泰不交而否自
損者人益自益者人損情之得失豈容易哉故喻君為舟喻人為
水言水能載舟亦能覆舟也舟即君道水即人情舟順水之道乃
浮違則沒君得人之情乃固失則危是以古先聖王居人之上也
必以其心從天下之心而下敢以天下之人從其欲乃至兢兢業
業一日萬幾夫幾者事之微也以聖人之德天子之尊且猶慎事
之微乃至一日萬慮豈不以居上接下懼失其情歟書曰人心惟
危道心惟微則萬幾之慮不得不精也危則覆舟之誠不可不
畏也夫揆物以意宣意以言言或是非莫若考於有跡跡或成敗
莫若驗於已行自昔王業盛衰君道得失史冊盡在粲然可徵與
衆同欲靡不興違衆自用靡不廢從善納諫靡不固遠賢恥過
靡不危故詩書稱堯之德則曰稽于衆捨己從人數舜之功則曰

明四日達四聰言務同欲也序禹之所由興則曰益贊于禹禹拜
昌言迷湯之所以王則曰用人惟已改過不吝言能納諫也歌文
王作周則曰濟濟多士文王以寧美武王克殷則曰亂臣十人同
心同德言皆從善也堯舜禹湯文武此六君子天下之盛王也莫
不從諫而轉德詢眾以成功是則德益盛而慮益微功愈高而意
愈下及代之衰也則道亦反焉故書曰紂有億兆夷人離心離德
言違眾也詩曰汝包休于中國斂怨以為德不明爾德時無背無
側爾德不明以無背無鄉又曰雖無老成人尚有典刑曾是臯聽
大命以傾言遠賢也書曰謂人莫己若者亡詩曰惟彼不慎自獨
俾臧自育肺腸俾人卒狂言自用也前史數桀紂之惡曰智足以
拒諫言足以飾非言取過也考得失於已行之跡鑑盛衰於已
之符執失道而不衰既得理而不益相應以類影響不差故不則
而象之敬而畏之乎自秦漢既平周隋其間將歷千載代興者非
一姓繼覆者非一君然時所為異跡然失眾必敗得眾必
成與堯舜禹湯同務者必與桀紂幽厲同趣者必覆多同於善

則功倍多同於惡則禍甚善惡同類端如貫珠成敗象行明若觀
火此麻伐之元龜也尚恐議者曰時異事殊巨請復為陛下相舉
近效之尤章者以辯焉太宗文皇帝以天縱之才有神器之重武
定禍亂文致太平威行如雷霆明照俾日月英略施於百勝聖功
被於九歌固非庶品之所度量常情之所鑽仰然猶兢兢畏慎懼
失人心再戒臣下獻規怕以危亡為慮夙興聽理日旰忘勞公卿
迭進廷奏庶務評議得失與眾共之下無滯情上無私斷退朝之
暇宴接待臣咨訪謀猷詢求過闕或論往古成敗或問人間事情
每言及暗主亂朝則省懼自戒言及賢君理代則企竦思齊言及
稼穡艱難則上下相匡務遵勤儉言及閭閻疾苦則君臣同慮議
息征伐懲德懲違觸類該長尚恐過言謬舉既往難追每召宰相
平章必遣諫官俱入小有煩失隨即箴規得一善必遽命甄昇聽
一諫必明加褒錫故得時無闕事之樂輸誠又引文學流更直宿
於內署或講求典禮或諷誦詩書每至夜分情忘厭倦伏以太宗之
德美貞觀之理安且猶務得人心其勤若此是則人之於理道可

一日不接乎高宗初年亦親聽納故當時言美以為有貞觀之風兼賴遺澤在人先範垂裕幸無改作俗以阜康數十年間天下無事承平之業滋久倦怠之意頗彰燕居益深接下彌簡前哲之耿光帝遠中宮之威柄潛移卒有嗣聖臨朝天授革命豈不以經邦之道闕時咨於大猷宴安之懷溺備信於近狎馴致禍變幾將傾危雖亂匪自他然其失一也弊俗一弊餘風遂流訖神龍景雲之間皆變倖亂朝忠義不達玄宗躬定大難手振宏綱開懷納忠克已從諫專用舊老廣採羣才大臣不敢壅下情私服不敢干公議朝清道泰垂三十年謂化已成謂安可保耳目之娛漸廣息公勤之志稍衰侈心一萌邪道並進貪權竊柄者則曰德如堯舜矣焉用勞神承意趣利者則曰時已太平矣胡不為樂有深謀遠慮者謂之迂誕驚服有讜言切議者謂之誅謗邀名至尊收視於穆清上宰卷威於廊廟諫曹以頌義為奉職法吏以識旨為當官司府以厚斂為公忠權門以多賂為閭望外寵持竊國之勢內寵擅迴天之徑禍機熾然醱醱滋甚舉天下如君積薪之上人人懼寒

而朝廷推家會莫之省日務遊宴方謂有無疆之休大盜一興至今為棟豈不以忽於戒備逸於君安憚忠鯁之佛心甘諛詐之從欲漸漬不聞其失以至於大失乎肅宗懲致寇之由緼撥亂之略虛受廣納同符乎太宗招延詢謀輟食廢寢洞啟誠府推心與人諮被曾襟忘已應物故得來蘇之望允塞配天之業勃興先皇帝繼守恭勤而益之以和惠惠則有感和則有親雖時經艱屯而衆不離耕理尚寬大務因循而重改作然於紫宸聽朝常限三人奏事時亦嘗諭德令課責侍臣或賞其盡規或含以容默性本仁恕事多弘讓諫雖未從且不深忤情苟有阻終獲上通故君臣相安而人亦小息陛下英姿逸辯邁絕人倫武略雄圖牢籠物表積積習以妨理任削平而在躬以明威照臨以嚴法制斷流弊自以浚恒太深遠者驚疑而阻命逃死之亂作近者畏懼而偷容避罪之態生君臣意乖上下情隔君將務理而下防誅夷臣將納忠又上慮欺誕故睿誠不布於羣物物情不達於睿聰臣於往年曾任御史獲奉朝謁僅欲半生陛下嚴遠高居未嘗降旨臨問群臣隔

趨退亦不列事奏陳軒墀之間且未相論宇宙之廣何由自通雖
復列對使臣別延宰輔既殊師錫且異公言未行者則戒以樞密
勿論已行者又謂之遂事不諫漸生拘礙動涉猜嫌由是人各隱
情以言為諱至於變故將起億兆同息猶陛下恬然不知方謂大
事可致陛下以今日之所親驗往時之所聞孰真孰虛何得何失
則寧之通塞備詳之矣人之情偽盡知之矣列聖升降之效歷歷
如彼當今理亂之由昭昭如此未有不興於得眾殆於失人裕於
命皆蔽於偏信齊美因乎納諫虧德由乎自賢善始不乎惡斷失
人明乎安汰今陛下將欲悔禍徼福去危從安若不循太宗創業
之規籠肅宗中興之理鑑之寶致亂之所以懲今者遷幸之所因
則何以尊聖懷揚令聞遂邇之聽歸反側之心乎前承德音訪
及庸鄙敢緣斯義輒以獻聞自爾以來反覆千慮愚智有分信非
可改至今拳拳循端所見不勝愚誠懇款謹復希露以聞臣惶怖
死罪

為陳下御進續高書表

蕭穎士

其言林莽介賤幼而強學在簡謂大易之說曰觀乎天文以察
時變觀乎人文以化成天下然中變者立德以貞其象感其化者
立言以贊其功故太極列三階五緯於上聖人著三墳五典於下
至哉又乎夫人合應名數指歸之大統也今之言文字者始於太
昊徵訓典者本於唐堯振類綱者孰若漢朝興盛言者莫如聖代
是則太昊朕之軒轅章之唐堯祖之虞舜沐之漢高作之光武維
之祖宗開之陛下固之臣愚以為太昊至於我高祖太宗軒轅至
於我開元聖之神武皇帝陛下稱廣運者四代繼成功者四君咸
宜昭布睿典光熙德政矣則伏羲創文籍黃帝立史官太古淳樸
權輿朴略至陶唐氏而後大備故孔子美之曰堯之為君也廣乎
其有文章由是叙帝王之書首唐虞之典於堯則曰欽明文思於
舜則曰誕敷文德文之時義大矣哉夏商已後德弗及舜仲尼雜
目其書不為典言未能察變成化比唐虞之際也何則夏之興也
泣辜矜於至理殷之興也懃德垂於雅樂周之興也謂武微於盡
善其不為帝典宜矣嗟夷僭亂以暨暴秦刻心亂貴籍督龍北

王者之風殄矣生人之道窮矣天之未喪斯文也而道復興於漢
家數百年間而憲章具舉夫其推步律曆帝堯分命之典也增脩
封禪帝舜時巡之義也約三章之法以正各縣之刑班四時之舞
以繼后遵之樂臣竊觀三代之作賦範垂訓體國設人雖載祀延
長德澤深遠皆因循轍迹故弗易其事孔子曰殷因於夏禮周因
於殷禮所損益可知也未有鍾七雄交戰之末繼六籍焚如之後
帝典缺而更張淳風醜而再洽若大漢者也且義帝之喪三軍編
服異夫湯武放弑其君矣諸呂之亂成底底定異夫羿浞之驟後
其祚矣中興之盛華戎率服異夫吳楚之僭竊其名矣夫如是有
漢之美固可以比肩虞后子載一時之運歟曹馬已還曾何足擬
四分五裂朝成暮敗其間雖晉乎吳蜀皆舉陳國混并未幾危土
荐及法令不足以禁齊人聲明不足以垂後裔而其於帝道踈矣又
況乎南遷淮海北起獯戎者耶茲又一朝之不若也臣聞乾道運
行否終則泰上帝有以輔文明之哲后表光宅之休期必將乘彼
亂之極繼驅馳之運故有周之末禮樂崩壞運積合縱俱非正朔

則秦氏略定而漢代以興在晉之亡寓縣崩折商吳北虜各擅名
號隋氏削平而聖朝以此行天意一也不然何秦隋二葉而亡也
如彼唐漢一家之盛也若此於赫盛唐止百王之闕思文陛下光
五聖之嗣啓運應期之符甲人伐罪之義制禮作樂之本郊天禪
地之位萬使三登之儀河清海晏之瑞舞七旬而殊俗格歌六律
而薰風至故以騰子妙而絕景絕焉郊而高議矣又何東晉後魏
梁陳周齊之足道哉誠宜詔史臣敷帝載炳唐虞之故實黜商周
之遺制矣漢氏已略之於前皇唐復擴之於後臣實惜焉知而不
述臣子之罪也臣實愚淺竊不自揆敢緣聖朝稽古之道陛下文
思之德耕牧解鞍輒復若書討尋載籍于茲一紀今謹上續尚書
一部凡若干篇卷始有漢二典次我唐二典以續夫前書堯虞之
典也其餘文景明章之後魏晉宋齊已還南訖有陳北起元魏歷
周隋洎夫高氏以至聖朝總二十二代詔策章疏頌歌符檄忠臣
之正議武士之權謀類而刊之次以年代以續天夏商秦晉之篇
也臣聞古者右史記事左史記言舉其大略前書之議備矣孔聖

漢而微言絕暴秦興而被善罪雖戰國遺策在皇朝亂於縱橫
漢臣著記新體互約於表志其道未者其文雜其才淺者其意煩
當聖人有易簡之旨盡交美之義也昔文宣修五帝之書元三王之
季臣性非天縱學異人師稟生何幸親逢聖代此皆文武聖皇之
遺旨臣愚庸不足以知之何者臣嘗伏讀具觀實錄昔太宗因聽政
之暇觀覽尚書謂侍臣曰朕每夢希唐虞亦思公等齊肩獲契又
曰今數百年外讀我國史言獨親兩漢我臣故知有漢之功業與
唐之代理俱可以繼夫唐虞之盛也伏惟陛下玄德昭升至仁
壽天下還於淳漢思臣細述太宗之旨伏惟陛下之詔固宜取
類於三代之間也勒成帝典不亦宜乎陛下睿思雄飛宸章閣發
質文一變風雅大興臣聞水之細者江海假其深林之短者棟梁
資其峻陛下必謂臣所著小有可觀賜以召見闕庭一垂試問臣
采燕之外亦以學文縱不能光揚盛美猶庶乎細水短材之益則
聖人之含容大矣微臣之誠願畢矣

進渾儀表

張說

臣聞仰日受時莫先於曆象先天成務必歸於制器伏惟開元神
武皇帝陛下建中立極緯武經文至德難名神力莫測於百疋定曆
成歲立象考天紹唐堯欽若之典遵虞舜璿璣之美皇上皇能事於
斯備矣臣書院先奉敕造游儀以測止曜盈縮去年六月造畢進
奏又奉恩旨更立渾儀儀日等准勅令左衛率府長史梁令瓚檢校
創造於是博考傳記舊有張衡陸續王蕃錢樂之等並造斯器雖
渾儀有象而不能運行事非經久旋亦毀廢臣今按據典故鑄銅
為儀圓以象天使得俯察上具列宿赤道周天度數注水激輪令
其自運一日一夜天轉一周又別立二周輪絡在天以綴以日月
令得運行再轉一匝日行一度月行十二度十九分度之七凡二
十九轉有餘而日月會三百六十五轉而行匝仍置木櫃以為地
平令儀半在地上半在地下晦明朔望不差毫髮又立二木人於
地平之上前置鐘鼓以候辰刻每一刻則自然擊鼓每一辰則自
然撞鐘皆於櫃中各施輪軸鈎鍵交錯關鎖相持轉運雖周而

陳各異周而復始循環不息陰陽不能逃其數度分不能隱其時
究天地之幹運極乾坤之變化斯皆上真聖謨旁獲神助臣等愚
思昔所不能及望錄付史館宣示百寮使知告成之功迥超前古無
任勤懇之至謹隨表上進以聞

為東平薛太守進王氏瑞詩表

高適

臣某言符瑞之興實由王政歌詩之作本自國風伏見范陽盧某
母瑯琊王氏性合希夷體於靜默精微道本馳騫玄關旁通天地
之心預紀休徵之盛去景龍二載撰天寶迴紋詩凡八百一十二字
循環有數若寒暑之遞遷應藏無窮謂陰陽之莫測識其子曰吾
沒之後爾密記之當逢大道之朝必遇非常之主則真圖之製便
可上言君親之義不違犬馬之誠斯存臣早識其子嘗與臣言星
霜屢稜書奏於闕以歲月倏久自邇幽微沈吟百目之前倏忽禎
祥之後伏惟皇帝陛下乘道御極八聖興化泰日月之並明體乾
坤而同德梯航禹里爭飲淳和之風臣臣交四夷書歸仁壽之域
陛下務於道道可盡乎法於天天寶長久是知與道齊運比天同

休無疆之徵乃在茲矣則天授之美具可替乎章句繁於所謂沒
而不朽者也臣某誠惶誠恐頓首頓首首黃漢幸甘泉且味神君之
語周窮轍跡徒稱王母之謠豈若迥出名言高懸靈像應皇王
之不命運官商於景福且夫靈芝嘉禾不以草木之瑞尚有頌聲方
之真圖被未為得特望編之史策列在樂章則陛下先於夫而聽於
人也臣才術淺劣謏忝蒲條曾微消塵以答萬一恒馳北極每切
子牟之戀遙奉南山願效封人之祝

云云三月六日

進張巡中丞傳表

李翰

臣聞聖主褒死難之士有死事之孤或親推轎車或追建封邑厚
死有以慰生撫存有以答亡然後君臣之義貫以生死激勸之道
著於存一君所以不遺於臣臣所以不背其君君恩臣節於是乎
立伏見故御史中丞贈揚州大都督張巡生於昌時少習儒訓屬
逆胡構亂凶虐滔天挺身下位忠勇奮發率烏合之眾當漁陽之
鋒賊時藉據洛陽控引幽朔驅其猛銳吞噬河南巡前守雍丘潰
其心腹反魯貞一萬之師棄甲於死葉可舒以天下之衆賦績於

潼關兩宮出居禹國波瀾賊遂僭盜鼎器鳴時兩京南臨漢江西
逼岐雍群師遷延而不進列郡望風而出奔而巡獨守孤城不為
之却賊乃撓出巡後議圖江淮巡退軍睢陽拒其咽喉前後拒守
自春徂冬大戰數十小戰數百以少擊衆以弱制強出奇無窮制
勝如神殺其兇醜凡九十餘萬賊所以不敢越睢陽而取江淮江
淮所以保全者巡之力也城孤糧盡外救不至猶奮靈虜起病摧鋒
陷堅俾三軍之士啜膚而食知死不叛及城陷見執終無撓詞顏
此亮徒精貫白日雖古之忠烈何以加焉伏以光天文武大聖孝
皇帝陛下聰明文思睿哲神武提一旅之衆復配天之業賞功褒
德六符齊輝巨遂贈揚州官及其子此誠陛下發德音之美也而議
者或罪巡以食人黑巡以守死臣切痛之今臣敢取十論以議巡
過以塞衆口惟聖聰鑒焉臣聞人稟教以立身刑原情而定罪故
事有虧教則人道不列刑有非罪則王法不加忠者臣之教恕者
法之情今巡握節而死非虧教也折骸而禦非本情也春秋之義
以功覆過谷繇之典容過宥刑故大易之戒過惡揚善為國之器

錄用棄瑕今衆議巡罪是廢君臣之教繼忠義之節不以功掩過
不以刑恕情善過惡揚錄瑕棄用非所以獎人倫明勸戒也且逆
胡背德人鬼所離朝廷衣冠沐恩累代大臣將相從逆比有而巡
朝廷不登坐宴不與不階一伍之衆不假一節之權威肅義旅奮
身死節此巡之忠大矣賊勢馮凌重兵百萬巡以數千之衆橫而
制之若無巡則無睢陽無睢陽則無江淮賊若因江淮之資兵彌
廣財彌積根結盤據西向以拒王師雖終於殲夷而曠日持久國
家以六師震其西巡以堅壘扼其東故陝鄜一戰而大軍北走五
師因之而勢勝聲勢纒接而城陷此不意使巡保江淮以待陛下
之師師至而巡死也此巡之功大矣古者列國諸侯或相侵伐猶
有分災救患之義況諸將同受國恩奉辭伐罪乎巡所以固守者
非惟懷獨克之志亦以恃諸軍之救救不至而食盡食既盡而及
人取其本圖非其素志則巡之情可求矣設使巡守城之初已有
食人之計損數百之衆以全天下臣猶曰功過相掩况非其素志
乎在周典之三宥其一曰宥過失故語巡之忠則可以敦世教議

巡之功則可以繫中興原巡之情則可以宥過失昔天子制春秋明褒貶齊桓將封禪略而不書晉文公召王河陽書而諱之蓋以臣戴之功大可以掩僭禪之過也今巡蒼黃之罪輕於僭禪興復之功重於臣戴罪疑惟輕功疑惟重聖人之訓昭然可徵臣故謂巡者足可以為訓矣臣又聞罰不及嗣賞延于世此三代所以直道而行今巡子思夫雖受一官不免飢寒之患江淮既巡所保戶口充完臣謂宜封以百戶俾食其子臣又聞強死為厲遊魂為變有所歸往則不為災巡既身首支離將士等骸骼不掩臣謂宜於雒陽城北擇一高原招魂葬送巡并將士大作一墓而葬使九泉之冤猶思効命三軍之眾有以輕生既感幽明且無冤厲亦國家志過旌善垂誠百世之義也臣少與巡遊巡之平生臣所知悉今巡死大難不覩休明惟期令名是其榮祿若不時紀錄日月滯愆或掩而不傳或傳而不實而巡生死不遇誠可悲焉臣敢採所聞得其親覩撰傳一卷昧死獻上伏惟陛下大明在上廣運臨下仁遐之德洽于艱難有善必紀無微不錄儻以臣所撰編列史官雖

退死丘壑骨而不朽臣翰誠惶誠恐頓首頓首死罪死罪

為并州長史張仁曾進九鼎銘表

吳少微

臣聞鼎者夏后氏作羣牧貢金遠方圖物備諸山澤以禦魘魅厥後嗣德昏亂鼎遷于商夏之寶也祀不足徵殷既有之又患失之周德休明神寶不墜百代可繼伏惟陛下光大而當之若乃崇貴之器金玉之鼎鎡首山發睢上列太廟序明堂克明靈命以奉上帝非愚臣所敢議臣聞禮之興也始諸飲食故先王之制曰舉九鼎蓋鈞藥溲熬澄瀦膏餌御九州之美順四時之和臣所以征繕此金敢貢新鼎夫有器必有名臣竊見九州同迺述九號夫永昌天中所以基皇周也長安及岐所以紀靈瑞也武興建都所以光帝閉也禮曰觀禪去去所以美升中也少陽載青所以翼儲德也東原底平所以廣封植也江都淮海所以肆朝宗也江陵作鎮所以制荆蠻也成都奧區所以過珍貢也夫此九者誠不足掄衍鴻休昭振方統庶覩者美其所稱知有由作微臣朽老不達有慙歌頌塵八命之寵章負中軍之重任匪躬獻伏表流汗其九鼎銘

謹敢列上謹遣某官某奉具鼎以聞臣某云

論郊祭合設皇地祇表

賈曾

臣詳據典禮謂宜天地合祭謹按禮記祭法曰有虞氏禘黃帝而郊嚳夏后氏禘黃帝而郊鯀傳曰大合禘然則郊之與廟俱有禘祭禘廟則祖宗之主俱合於太祖之廟禘郊則地祇羣望俱合於圓丘以始祖配享皆有事而大祭異於常祀之義禮大傳曰不王不禘故知王者受命必行禘禮虞書曰正月元日舜格于文祖肆類于上帝禋于六宗望秩于山川徧于羣神此則受命而行禘禮者也言格于文祖則餘廟之享可知矣言類于上帝則地祇之合可知矣且山川之祀皆屬于地羣望尚徧況地祇乎周官以六律六呂五聲大合樂以致神祇以和邦國以諧萬人又去凡六樂者六變而致象物及天神此則禘郊合天神地祇人鬼祭之樂也三輔故事漢祭圓丘儀上帝位正南面后土位亦南面而少東又東觀漢記云光武即位為壇於鄗之陽祭告天地採用元始故事二年正月於洛陽城南依鄗為圓壇置天地位其上南向西上按兩漢

時自有后土及北郊祀而此已於圓丘設地位明是禘祭之儀又春秋說云王者一歲七祭天地合祭於四孟別之冬至此後天地自常有同祭之義王肅曰孔子云非圓丘於南郊又云祭天而地配此亦郊祀合祭之明說唯鄭康成不論禘當合祭而分昊天上帝為二神專憑緯文事匪經見以其注大傳不王不禘義則云正歲之正祭感帝之精以其祖配注周官大司樂圓丘義則引大傳五禘以為冬至祭遞相矛盾未足可依伏惟陛下應錄居尊繼天在賢自臨宸極未親郊祭今之南郊正當禘禮固宜合祀天地感秩百神合受命之符彰致敬之道豈可不崇盛禮同彼常郊使地祇無位未從禘享合請備設皇地祇并從祀等座則禮得稽古義合經情然郊丘之祀國之大事或失其宜精禋將闕臣術不遠經識獻博古徒以草莽禮職令天諫曹正議是司敢不陳上僮事有可採惟斷之聖慮也

請行禮樂化道三事表

裴耀卿

三者禮樂化道也州牧縣宰所守者宣揚禮樂典書經籍所教者

以古還朴上奉君親下安鄉族若皆氣和氣洽自然化理注滄平由
此言之不在刑法聖朝制禮作樂雖行之自久而外州遠郡俗習
未知徒聞禮樂之名不知禮樂之實竊見鄉飲酒禮頒於天下比
來唯有貢舉之日略用其儀閭里之間未通其事臣在州日率當
州所管縣一與百姓勸道行禮奏樂歌至白華並未余由庚等章
言孝子養親及羣物遂性之義或有泣者則知人心有感不可盡
誣但臣州久絕雅聲不識古樂伏計大常具有樂器大樂以備和
樂伏望王令天下三五十大州簡有性識於大常調習雅聲以請聖
等琴瑟之類各三兩事令比州轉次造且每年各備禮儀准令式
行禮稍加勸獎以示風俗又以州縣之學本以勸人祿在其中聞
於學也今計天下州縣所置學生不減五六萬人及諸色并國子
每年薦舉權第過百人已上雖有司明試務在擇才而學校衰微
居然可驗州縣補學生之日皆不願為遠郡送鄉貢之時多有不
願來集恐成頽弊不可因循伏望詳擇其且微加勸章

為敬暉等論武氏宜削去王爵表

以令義

臣等言臣聞神器者天下之至公必歸乎有德皇極者域中之
大寶必順乎天命歷考前古詳觀帝業皆不並興莫不更王故三
皇氏沒而五帝氏興夏殷氏衰而周漢氏作何則帝王之曆數必
應乎五行水盛則火衰木衰則金盛天地之運也必合乎四時春
往則夏來暑退則寒集則知五行之數帝王不可違違之則宗社
不安生人不理四時之序天地不能變變之則霜露不均水旱交
錯自有備失御海內崩離天曆之重歸于唐室萬方樂業荷撥亂
之功二聖重光布生成之德可謂有功於四海有德於蒸人自弘
道過密生靈降禍百姓哀號如喪考妣則天皇帝臨御帝圖明目
達聰躬親庶績則有讒邪凶孽誣惑叡德播害宗枝誅夷殆盡英
藩賢戚百不存一餘類在者拔窠鼠荒裔醜虐人神感傷天地忠臣
義士實所痛心自天授之際澁涇緇改革武家子姪感樹封建十餘
年間實亦榮極時唐室藩屏豈得並封故知事有昇降時使然也
今則天皇帝厭倦萬務神器之寶重歸陛下百姓謳歌欣復唐業
上至卿士下及蒼生黃髮之倫童兒之輩莫不歡欣舞抃如見父

母豈不以唐家恩德感幽祇之心陛下仁明順天下之望今皇業
重構聖祚中興神祇之道有助於先德矣黎人之誠無負於陛下
矣臣又聞之業不兩盛事不兩大故天無二日土無二王前聖之
格言先哲之明誠自皇明反正天命惟新武家諸王封建依舊生
者既加茅土死者仍追賦邑萬姓之望卿士寒心何則開闢已來
罕有斯理帝王之道實無此法陛下縱欲開恩以行私惠豈可違
五行運曆乎乖四時寒暑乎又海內衆情朝廷竊議謂武氏諸王
身計亦危適將有損何處之未得其所居之實恐不安陛下雖欲
寵之翻乃陛下之不遵古典故也且唐曆有歸周命已去爵重則難
保祿薄則易全又則天皇帝親政之時武氏諸王亦分外職令並
居京輦不降舊封天下之心竊將不可陛下縱欲飲崇外戚曲流
以成貞宗廟社稷之計何李卿士黎人之議何伏願陛下為社稷
之遠圖割私情之小愛內崇經邦之要外順遐邇之心豈不固宗
廟之本允人靈之願則陛下巍巍之業實與天地而洞九泉親親之
義上有倫而下有序臣等特承榮寵思竭丹衷既為唐臣實為唐

計伏乞聖慈俯垂矜納焉

請抑損外戚權寵并乞佐外郡表

武平一

臣平一言臣緣修起居注太史監每季有牒臣伏見從去歲已來
皇有災異熒惑入羽林太白再經天太陽虧月犯大角臣伏按舊
史文心咸非休吉之感或為各徵之兆臣聞災不妄生變不虛設
象見於上人應於下其理昭彰有如影響陛下嗣膺鴻業當畏上
玄故皇天不言以災眚譴誡詩曰敬天之怒不敢驅馳又曰維此文
王小心翼翼昭事上帝聿懷多福臣伏見陛下孝愛因心敦宗戚
族澤濡后氏恩洽外家位以慈周榮因惠假臣當宗親階越二等
家有數族既忝國姻復叨枝屬朱輪華轂金牌瑤鏡過東漢之梁
鄧漢西京之許史光輝焜煌古今所絕誠陛下睦於親寵降於慈
負臣未息譏謀深近置黷恩彌崇而議彌積位逾厚而豐逾擁臣
又聞月滿必虧日盈則蝕春秋有交謝之理星律有輪環之次時
不再來榮難久藉昔永淳之後藩維掃蕩主室多難先聖考運從
權特居寶曆臣諸房等地惟宗子爵列扞城竊祿疏封屢迴星紀

今皇明復辟聖政惟新自合恭守園廬遙承雨露庇影椒房之末
階親槐里之餘今乃再假寵靈驟貽將渥姻從日茂爵封如初但
見昇宗無聞損降高班厚位遂超涯極以此或陰氣潛陽乾文告
變且頃年已來河洛汎溢東都西京俱有水潦蓋以陰氣太盛所
致昔王家驕貴梅福上書管氏專權丁鴻進諫臣伏思古來后妃
之始自呂霍上官閭董之氏皆以恩寵過深驕盈僭溢一朝傾覆
竟無唯類易曰不遠而復又曰鼎折足覆公餗伏願思抑損之宜
運長遠之策或令安車就第使剖符臨州遠之以機權錫之以閑
逸上恭乾乾之惕下全親親之道則肅章國圖殷鑒後葉臣豈招
酷罰待斃言壤聖志不棄窮穢備官史冊哀緒莫申餘陰無幾精
魂屢竭恐恤末流如將有補明時不矜荒怠伏乞假名外郡遂禮私
庭冀存識爽少訓覲冒臣瞻光視漏豈復支父既因以告誠竊宗
國俯揆殘骸退深荒越

書